

Ս. Փրկչի, տեսին զվիրաւորեալն, զկողոպտումն վանաց՝
 և զեկեղեցւոյն զմնասն և զաւերեալ տեղիսն, զորս քան-
 դեալ և կործանեալ էին աւազակքն, և դարձան 'ի տեղիս
 իւրեանց. Վ. ԿՊ (1632):

Յաւուրս սոյն այս Աստուածատուր Պատրիարքի՝ Գրի-
 գոր եպիսկոպոս ոմն Երուսաղէմի՝ շրջեալ քարոզութեամբ
 յաշխարհն Եթովպիա մինչ 'ի Մուխա. եկն անդուսա 'ի
 Քոչին (Հնդկաստան) եւ քարոզութեամբ իւրով հաստա-
 տեաց զամենեսեան 'ի դաւանութիւնս Հայոց և Ասորոց:
 Ապա գրեաց առ մարզպանն Հայոց Մէհրուժան՝ որ նսաէր
 յայնժամ 'ի Տիգրանակերտ. եւ նա առաքեաց 'ի Հնդկիս
 զեպիսկոպոս մի Ասորի երկու քոր եպիսկոպոսօք, որոց
 եկեալ 'ի Քոչին հովուեցին զեկեղեցին զամս 15: Պարճ.
 հին Հնդկաստանի. Գիրք Գ. Գլ. Է. (1632):

Գարբիէլ վարդապետ Եթովպացի, հոգեւոր տեսուչ
 կրօնաւորացն Հապեշաց եղելոց յԵրուսաղէմ. հսկսզ և պա-
 հապան վանօրէից կալուածոց և բովանդակ սեփհականու-
 թեանց նոցին որ 'ի Ս. Տեղիս, Ի վախճանիլ սորա 'ի սոյն
 ամի, Եթովպացի կրօնաւորք թողեալ զվանօրայս և զտե-
 ղիս իւրեանց 'ի ձեռս Հայոց՝ եւ զպահպանութիւն նոցին
 յանձն արարեալ Աստուածատուր Պատրիարքի. մեկնեցան
 յաշխարհն իւրեանց. և մնաց յԵրուսաղէմ միայն Մարիամ
 անուն կին մի կրօնաւոր: Տեսեալ զայս ամենայն Տոսիթիոս
 Պատրիարքին Յունաց. եղ 'ի մտի զինիլ ընդդէմ Հայոց.
 զի ախտ ադահութեան եւ տենչանք տիրապետութեան
 գրգռէր զսիրտս նորին, որպէս արարեալ էին նախորդք
 իւր, Սէրվիացւոց և Վրաց. և սա եւս պատեհ առիթ հա-
 մարեալ բանս եղ ընդ ազգայինս իւր 'ի կոստանդինու-
 պօլիս. հանկոյց յինքն զլատաւորն եւ զվեճամեծս Երու-
 սաղէմի երեւելի տրօք և պարզեւօք, և գրաւեալ զամե-
 նայն տեղիս Հապեշաց՝ տիրեաց բովանդակ սեփհականու-
 թեանց նոցին. յորմէ ծագեցաւ ազմուկ մեծ և խռովու-
 թիւն 'ի մէջ Հայոց և Յունաց յԵրուսաղէմ:

Իսկ Աստուածատուր Պատրիարք դեզերեալ 'ի դրունս
 այլազգեաց ջանայր թափել զնոսա 'ի ձեռաց Յունաց. զի
 Յոյնք տաղնապէին զնա, թէ Հապեշք հետեւող և համազ-
 գային իւրեանց իցեն. և Հայք զհակառակն պնդէին. եւ